

Feoh byþ frofur fira gehwylcum;
Sceal ðeah manna gehwylc miclun hyt dælan
Gif he wile for drihtne domes hleotan

Ur byþ anmod ond oferhyrned
Felaþrecne deor, feohtep mid hornum
Mære morstapa; þæt is modig wuht

Ðorn byþ ðearle scearp; ðegna gehwylcum
Anfeng ys yfyl, ungemetum reþe
Manna gehwelcum, ðe him mid resteð

Os byþ ordfruma ælere spræce
Wisdomes wrapu ond witena frofur
And eorla gehwam eadnys ond tohiht

Rad byþ on recyde rinca gehwylcum
Sefta ond swiþhwæt, ðamðe sittep on ufan
Meare mægenheardum ofer milpapas

Cen byþ cwicera gehwam, cup on fyre
Blac ond beorhtlic, byrneþ oftust
Ðær hi æþelingas inne restap

Gyfu gumena byþ gleng and herenys
Wrapu and wyrþscype and wræcna gehwam
Ar and ætwist, ðe byþ oþra leas

Wenne bruceþ, ðe can weana lyt
Sares and sorge and him sylfa hæfþ
Blæd and blysse and eac byrga geniht

Hægl byþ hwitust corna; hwyrft hit of heofones lyfte
Wealcaþ hit windes scura; weorþep hit to wætere syððan

Nyd byþ nearu on breostan; weorþep hi þeah oft nipa bearnum
To helpe and to hæle gehwæpre, gif hi his hlystap æror

Is byþ ofereald, ungemetum slidor
Glisnaþ glæshluttur gimum gelicust
Flor forste geworuht, fæger anyne

Ger byþ gumena hiht, ðonne God læteþ
Halig heofones cyning, hrusan syllan
Beorhte bleða beornum ond ðearfum

Eoh byþ utan unsmeþe treow
Heard hrusan fæst, hyrde fyres
Wyrtrumun underwreþyd, wyn on eple

Peorð byþ symble plega and hlehter
Wlancum [on middum], ðar wigan sittap
On beorsele blipe ætsomne

Eolh-secg eard hæfþ oftust on fenne
Wexeð on wature, wundap grimme
Blode breneð beorna gehwylcne

De him ænigne onfeng gedep

Sigel semannum symble biþ on hihte
Ðonne hi hine feriaþ ofer fisches bep
Op hi brimhengest bringeþ to lande

Tir biþ tacna sum, healdeð trywa wel
Wiþ æþelingas; a biþ on færylde
Ofer nihta genipu, næfre swiceþ

Beorc byþ bleða leas, bereþ efne swa ðeah
Tanas butan tudder, biþ on telgum wlitig
Heah on helme hrysted fægere
Geloden leafum, lyfte getenge

Eh byþ for eorlum æþelinga wyn
Hors hofum wlanc, ðær him hæleþ ymb[e]
Welege on wicgum wrixlaþ spræce
And biþ unstyllum æfre frofur

Man byþ on myrgþe his magan leof:
Sceal þeah anra gehwylc oðrum swican
Forðum drihten wyle dome sine
Ðæt earme flæsc eorþan betæcan

Lagu byþ leodum langsum gepuht
Gif hi sculun neþan on nacan tealtum
And hi sæyþa swyþe bregaþ
And se brimhengest bridles ne gym[eð]

Ing wæs ærest mid East-Denum
Gesewen secgun, op he siððan est
Ofer wæg gewat; wæn æfter ran;
Ðus Heardingas ðone hæle nemdun

Epel byþ oferleof æghwylcum men
Gif he mot ðær rihtes and gerysena on
Brucan on bolde bleadum oftast

Dæg byþ drihtnes sond, deore mannum
Mære metodes leoht, myrgþ and tohiht
Eadgum and earmum, eallum brice

Ac byþ on eorþan elda bearnum
Flæsces fodor, fereþ gelome
Ofer ganotes bæþ; garsecg fandap
Hwæper ac hæbbe æþele treowe

Æsc biþ oferheah, eldum dyre
Stip on stapule, stede rihte hylt
Ðeah him feohtan on firas monige

Yr byþ æþelinga and eorla gehwæs
Wyn and wyrþmynd, byþ on wicge fæger
Fæstlic on færelde, fyrdgeatewa sum

Iar byþ eafix and ðeah a bruceþ
Fodres on foldan, hafaþ fægerne eard
Wætre beworpen, ðær he wynnum leofap

Ear byþ egle eorla gehwylcun
Ðonn[e] fæstlice flæsc onginneþ
Hraw colian, hrusan ceosan

Blac to gebeddan; bleda gedreosaþ
Wynna gewitaþ, wera geswicaþ